

Gobernador ta apunta formadonan

DESPUES cu riba 27 di december 2024 e informador, señora Tisa LaSorte, a entrega e relato final y e declaracion di boluntad ('bereidwilligheidsverklaring') di AVP y FUTURO pa formacion di un gabinete nobo na Gobernador di Aruba, Su Excelencia Alfonso Boekhoudt, awe señor Michiel G. Eman, lider di partido AVP, y señora Gerlien L. Croes, lider di Partido FUTURO, a wordo ricibi pa Gobernador den cuadro di e procedura di formacion. Señor Eman y señora Croes a wordo postula como candidato pa formado door di AVP y FUTURO respectivamente.

Di acuerdo cu e **"Landsverordening integriteit ministers di 17 december 2021 (AB 2021, 203)"**, e dos candidatonan formado a wordo someti na un investigacion hudicial y tambe un investigacion di siguridad estatal cu nan consentimiento. A comunica e resultado di ambos investigacion na Presidente di Consejo Consultativo (Raad van Advies) y na Gobernador.

En bista di e relato final di e informador, e declaracion di boluntad firma y e resultado di e investigacion hudicial y e investigacion di siguridad estatal riba ambos candidato-formado, Gobernador Boekhoudt a nombra señor Eman y señora Croes como formado diamars 14 di januari. Gobernador a pidi nan pa forma un gabinete stabiel cu tin confiansa di e fraccionnan di AVP y FUTURO den Parlamento y cu ta consisti di personanan cu ta dispuesto y capaz pa implementa un maneho financiero-economico solido, cu atencion pa costo di bida na Aruba.

Parti di e encargo di formacion ta trahamento di un acuerdo di gobernacion entre AVP y FUTURO y un reparticion di cartera denter di e gabinete nobo.



KABINET VAN DE GOUVERNEUR VAN ARUBA

Finalmente, e eligibilidad di candidatonan pa e funcion di minister y di minister plenipotenciario mester wordo evalua previamente a base di e exigencianan y proceduranan stipula den e **"Landsverordening integriteit ministers"**.

Mas tarda pa dia 18 di februari proximo e formadonan mester informa Gobernador Boekhoudt por escrito tocante nan conclusi-onnan. Mientras tanto e formadonan lo informa Gobernador verbalmente, of si ta necesario por escrito, tocante e progreso den implemen-tacion di e encargo di formacion.

A informa e lidernan di fraccion den Parlamento por escrito tocante di e encargo di formacion y di e echo cu señor Eman y señora Croes a tene esaki na consideracion. Si acaso e formacion ta exitoso, e formadonan, manera ta custumber, lo acepta e encargo oficialmente. A haci un apel-acion na e lidernan di fraccion den Parlamento pa duna nan pleno cooperacion den cumpli-mento di e encargo di formacion.

Intento di asesinato na Macro Supermarket

DIA 13 di januari, un conflicto a surgi na Macro Supermarket, unda un chauffeur a purba intencionalmente di dal un hende muhe y un homber cu su auto. E sospechoso a wordo deteni na e sitio. E auto a wordo laga atras den e parkeerplaats. E caso ta bou investigacion.

Ladronicia na Bushiribana

DIA 4 di januari, un turista a raporta cu su tas cu pertenencianan valioso a wordo horta for di un UTV huur na Bushiribana Gold Mine. E ladronicia a tuma lugar mientras e y su amiga tabata na Natural Pool. Polis a tuma e denuncia y ta continua cu e investigacion.

SUNSET GRILLE
Where Classic Delights
Serve Modern Twists

Open Daily 5:30 pm – 10:30 pm
J.E. Irausquin Blvd. 81, Palm Beach | hiltonaruba.com | @hiltonaruba
+297-526 6612 | AUAHH_SunsetGrille@hilton.com